

Қазақстан Республикасы  
Үкіметінің  
2019 жылғы « 31» желтоқсандағы  
№ 1060 қаулысымен  
бекітілген

**«Бизнестің жол картасы-2025» бизнесті  
қолдау мен дамытудың мемлекеттік бағдарламасы шеңберінде  
кәсіпкерлік субъектілері шығарған облигациялар бойынша купондық  
сыйақы мөлшерлемесін субсидиялау қағидалары**

**1-тарау. Жалпы ережелер**

1. Осы «Бизнестің жол картасы-2025» бизнесті қолдау мен дамытудың мемлекеттік бағдарламасы шеңберінде кәсіпкерлік субъектілері шығарған облигациялар бойынша купондық сыйақы мөлшерлемесін субсидиялау қағидалары (бұдан әрі – Купондық сыйақы мөлшерлемесін субсидиялау қағидалары) 2015 жылғы 29 қазандағы Қазақстан Республикасының Кәсіпкерлік кодексіне (бұдан әрі – Кодекс) сәйкес әзірленді және кәсіпкерлік субъектілері шығарған облигациялар бойынша купондық сыйақы мөлшерлемесінің бір бөлігін субсидиялаудың шарттары мен тетігін айқындайды.

2. Қор биржасының бағалы қағаздарының ресми тізіміне қосылған эмитенттердің облигациялары бойынша купондық сыйақы мөлшерлемесінің бір бөлігін субсидиялау Қазақстан Республикасы Үкіметінің 2019 жылғы 24 желтоқсандағы № 968 қаулысымен бекітілген «Бизнестің жол картасы-2025» бизнесті қолдау мен дамытудың мемлекеттік бағдарламасы (бұдан әрі – Бағдарлама) шеңберінде жүзеге асырылады.

3. Купондық сыйақы мөлшерлемесінің бір бөлігін субсидиялау эмитенттердің облигациялар бойынша сыйақы ретінде төленетін шығыстарының бір бөлігін өтеу үшін пайдаланылады және мемлекеттің бизнеспен өзара іс-қимылының тиімді тетіктері арқылы жүзеге асырылады.

4. Қаржы агенттігінің көрсетілетін қызметтеріне ақыны республикалық бюджет қаражаты есебінен уәкілетті орган төлейді.

5. Купондық сыйақы мөлшерлемесінің бір бөлігін субсидиялау үшін көзделген қаражатты:

Бағдарламаның өңірлік үйлестірушісі қаржы агенттігіне олардың арасында жасалатын Бағдарлама аясында субсидиялау және кепілдендіру туралы шарттың негізінде (Бағдарлама аясында субсидиялау және кепілдендіру туралы шарттың үлгілік нысанын кәсіпкерлік жөніндегі уәкілетті орган бекітеді) аударады;

уәкілетті орган қаржы агенттігінің Қазақстан Республикасының Халық Банкінде ашылған арнайы шотына араларындағы жасалған субсидиялауға қаражат аударуға шарт (бұдан әрі – қаражат аударуға арналған шарт) негізінде аударды.

6. Купондық сыйақы мөлшерлемесінің бір бөлігін субсидиялау нысанындағы қолдау шараларын қаржыландыру республикалық және (немесе) жергілікті бюджеттің қаражаты есебінен жүзеге асырылады.

## **2-тарау. Терминдер мен анықтамалар**

7. Осы Купондық сыйақы мөлшерлемесін субсидиялау қағидаларында мынадай терминдер мен анықтамалар пайдаланылады:

1) бағалы қағаздар нарығын мемлекеттік реттеу жөніндегі уәкілетті орган – бағалы қағаздар нарығын мемлекеттік реттеуді жүзеге асыратын уәкілетті орган;

2) Бағдарламаның өңірлік үйлестірушісі – Бағдарламаға қатысу үшін қажетті құжаттарды дайындау және жинау бойынша кәсіпкерлерді консультациялық сүйемелдеуді жүзеге асыратын жергілікті атқарушы органның облыс (астана, республикалық маңызы бар қалалар) әкімі айқындайтын құрылымдық бөлімшесі;

3) банк-төлем агенті – банк немесе банк операцияларының жекелеген түрлерін жүзеге асыратын ұйым;

4) жоба – Қазақстан Республикасының заңнамасына қайшы келмейтін және кіріс алуға бағытталған бастамашылық қызмет ретінде кәсіпкер жүзеге асыратын, кәсіпкерлік қызметтің түрлі бағыттарындағы іс-шаралар мен іс-қимылдар жиынтығы;

5) кәсіпкер – өз қызметін Кодекске, сондай-ақ Қазақстан Республикасының Азаматтық кодексіне сәйкес облигациялар түрінде қаржы құралдарын шығаруды жүзеге асыратын шағын және (немесе) орта кәсіпкерлік субъектісі;

б) купондық сыйақы мөлшерлемесінің бір бөлігін субсидиялау – эмитент купондық сыйақы мөлшерлемесі субсидияланатын облигациялар ұстаушыға төлейтін шығыстарды ішінара өтеу үшін пайдаланылатын эмитенттерді мемлекеттік қаржылық қолдау нысаны;

7) купондық сыйақы мөлшерлемесі субсидияланатын облигациялар – эмитент шығарған және қызметін Қазақстан Республикасының аумағында жүзеге асыратын қор биржасының бағалы қағаздарының ресми тізіміне енгізілген, олар бойынша қаржы агенттігі купондық сыйақы мөлшерлемесінің бір бөлігін субсидиялауды жүзеге асыратын облигациялар;

8) қамтамасыз етілген облигация – эмитент міндеттемелерін орындау эмитент мүлкінің кепілімен толық немесе ішінара, үшінші тұлғалар кепілдігімен қамтамасыз етілген облигация;

9) қаржы агенттігі – Бағдарлама шеңберінде қаржылық қолдауды іске асыру мен мониторингілеуді жүзеге асыратын «Даму» кәсіпкерлікті дамыту қоры» акционерлік қоғамы;

10) қаржы агенттігінің уәкілетті органы – өз қызметін қаржы агенттігінің Жарғысымен, Қаржы агенттігінің кредиттік саясатымен берілген және қаржы агенттігінің ішкі құжаттарымен бекітілген өкілеттіктері шеңберінде жүзеге асыратын, тұрақты түрде жұмыс істейтін алқалы орган;

11) қаржылық автоматтандырылған ақпарат тасымалдау жүйесі (бұдан әрі – ҚААТЖ) – жіберілетін құжаттаманы санкцияланбаған қолжетімділіктен қорғай алатын арнайы байланыс арнасы;

12) қаржылық консультант – эмитентке жасалған шартқа сәйкес эмитенттің бағалы қағаздарын қор биржасының ресми тізіміне енгізу мәселесі бойынша консультациялық қызметтер көрсететін ұйым;

13) қор биржасы – акционерлік қоғамның ұйымдық-құқықтық нысанында құрылған, дауыс беретін акцияларының жалпы санының кемінде жиырма бес пайызы Қазақстан Республикасының Ұлттық банкіне тиесілі, осы саудасаттықты ұйымдастырушының сауда жүйелерін пайдалана отырып, оларды тікелей жүргізу арқылы сауда-саттықты ұйымдық және техникалық жағынан қамтамасыз етуді жүзеге асыратын заңды тұлға;

14) листинг – бағалы қағаздарды қор биржасы бағалы қағаздарының ресми тізімінің санатына және (немесе) секторына енгізу, оларды қосу және табу үшін оларда қор биржасының ішкі құжаттарында бағалы қағаздарға және олардың эмитенттеріне арнайы (листингтік) талаптар белгіленген;

15) облигация ұстаушы – бағалы қағаздарды ұстаушылар тізілімі жүйесінде немесе номиналды ұстауды есепке алу жүйесінде тіркелген, купондық сыйақы мөлшерлемесі субсидияланатын облигациялар бойынша құқығы бар тұлға;

16) облигациялар шығарылымының проспектісі – эмитент, оның қаржылық жай-күйі, сатылуы болжанатын облигациялар, шығарылым көлемі, шығарылымдағы облигациялар саны, оларды шығару, орналастыру, айналыста болу, сыйақы төлеу, өтеу рәсімі мен тәртібі туралы мәліметтерді және инвестордың облигацияны сатып алу туралы шешіміне ықпал етуі мүмкін басқа да ақпаратты қамтитын құжат;

17) облигацияларды орналастыру – купондық сыйақы мөлшерлемесі субсидияланатын облигацияларды бастапқы бағалы қағаздар нарығында сату;

18) облигацияларды өтеу – орналастырылған купондық сыйақы мөлшерлемесі субсидияланатын облигацияларды эмитентті облигациялар шығару проспектісінде белгіленген тәртіппен сыйақысы мен номиналды құнын төлеу жолымен (кейіннен сату мақсатынсыз) айналыстан алып қою бойынша іс-қимылы;

19) облигацияларды ұстаушылардың өкілі – осы облигациялар эмитентінің үлестес тұлғасы болып табылмайтын, бағалы қағаздардың қайталама нарығында облигациялардың айналыста болуы, облигациялар

бойынша сыйақы төлеу және оларды өтеу процесінде эмитентпен жасасқан шарт негізінде купондық сыйақы мөлшерлемесі субсидияланатын облигациялар ұстаушылардың мүддесінде әрекет ететін бағалы қағаздар нарығының кәсіби қатысушысы;

20) орталық депозитарий – «Бағалы қағаздар рыногы туралы» 2003 жылғы 2 шілдедегі Қазақстан Республикасының Заңында көзделген қызмет түрлерін жүзеге асыратын мамандандырылған коммерциялық емес акционерлік қоғам;

21) орталық депозитарийдің қағидалар жиынтығы – орталық депозитарийдің бағалы қағаздар нарығы субъектілерімен өзара қарым-қатынасының шарттары мен тәртібін айқындайтын құжат;

22) субсидиялау шарты – қаржы агенттігі мен эмитент арасында жасалатын екіжақты жазбаша келісім, оның шарттары бойынша қаржы агенттігі кәсіпкерлік жөніндегі уәкілетті орган бекітетін нысан бойынша Қазақстан Республикасы заңнамасына сәйкес жеке кәсіпкерлік субъектілері шығарған және қызметін Қазақстан Республикасы аумағында жүзеге асыратын қор биржасының ресми тізіміне енгізілген облигациялар бойынша купондық сыйақы мөлшерлемесінің бір бөлігін субсидиялайды;

23) сыйақы мөлшерлемесі – облигацияны орналастыру нәтижесінде эмитент алған ақшаны пайдаланғаны үшін облигация ұстаушыға мерзімді негізде төленуі тиіс, облигациялар шығарылымының проспектісінде белгілеген пайызбен берілген сыйақы мөлшерлемесі;

24) уәкілетті орган – кәсіпкерлік жөніндегі уәкілетті орган;

25) халықаралық сәйкестендіру нөмірі (бұдан әрі – ISIN) – бағалы қағаздарды және басқа да қаржы құралдарын сәйкестендіру және есепке алуды жүйелеу мақсатында оларға орталық депозитарий беретін әріптік-цифрлық код;

26) эмитент – купондық сыйақы мөлшерлемесі субсидияланатын облигацияларды шығаратын кәсіпкер.

### **3-тарау. Эмитенттерге қойылатын шарттар мен талаптар**

8. Бағдарламаға 2-қосымшаға сәйкес экономиканың басым секторларындағы жобаларды іске асыру үшін облигациялар шығару мен орналастыруды жүзеге асыратын эмитенттер Бағдарлама қатысушысы бола алады.

9. Мыналар Бағдарламаға қатысушы бола алмайды:

1) моторлы көлік құралдарын және жеке өзі өндірген жүзімнен шарап өндіруді және дәрілік зат ретінде Қазақстан Республикасының заңнамасына сәйкес тіркелген, құрамында спирті бар медициналық мақсаттағы өнімдерді (бальзамдардан басқа) өндіруді көздейтін жобаларды қоспағанда, акцизделетін тауарларды/өнімдерді шығаруды жүзеге асыратын эмитенттер;

2) ірі салық төлеушілер тізбесіне енгізілген металлургия өнеркәсібіндегі жобаларды іске асыратын эмитенттер;

3) қиыршық тасты және құмды карьерлерді игеру жобаларын қоспағанда, тау-кен өндіру өнеркәсібіндегі және карьерлерді игерудегі жобаларды іске асыруды жоспарлайтын эмитенттер;

4) құрылтайшылары (оның ішінде қатысушылары, акционерлері) мемлекеттік кәсіпорындар/мекемелер, ұлттық басқарушы холдингтер, ұлттық компаниялар мен акцияларының (жарғылық капиталына қатысу үлестерінің) елу және одан көп пайызы тікелей немесе жанама түрде мемлекетке, ұлттық басқарушы холдингке, ұлттық холдингке, ұлттық компанияға (әлеуметтік-кәсіпкерлік корпорацияны, сондай-ақ мемлекеттік-жекешелік әріптестік туралы шарт шеңберінде құрылған кәсіпкерлерді қоспағанда) тиесілі ұйымдар болып табылатын эмитенттер/индустриялық-инновациялық қызмет субъектілері, олармен үлестес тұлғалар, сондай-ақ меншік нысаны жеке мекеме ретінде ресімделген кәсіпкерлер мен коммерциялық емес ұйымдар.

#### **4-тарау. Субсидиялау шарттары**

10. Купондық сыйақы мөлшерлемесінің бір бөлігін субсидиялау жүзеге асырылатын эмитенттің облигациясы шығарылымының жиынтық номиналды құны бір эмитент үшін 2,5 млрд. теңгеден аспайды.

11. Купондық сыйақы мөлшерлемесінің бір бөлігін субсидиялау жаңа инвестициялық жобаларды, сондай-ақ өндірісті жаңғыртуға және кеңейтуге бағытталған жобаларды іске асыруды қаржыландыру үшін және облигациялар шығарылымының проспектісінде облигацияларды орналастырудан алынған ақшаны пайдаланудың нысаналы мақсаты:

1) ұйымдардың үлесін, акцияларын, сондай-ақ мүліктік кешендер ретінде кәсіпорындарды сатып алу;

2) айналым қаражатын толықтыру негізгі құралдарды сатып алуға және/немесе жаңғыртуға және/немесе өндірісті кеңейтуге бірақ облигациялар шығарылымының жиынтық номиналды құнының 30 % аспайтын облигациялар шығару шеңберінде жүзеге асырылатын жағдайларды қоспағанда, айналым қаражатын толықтыру деп көрсетілген облигацияларды қоспағанда, осы Купондық сыйақы мөлшерлемесін субсидиялау қағидаларының шеңберінде субсидияланатын жобалар бойынша ағымдағы міндеттемелерді қайта қаржыландыру үшін шығарылған облигациялар бойынша жүзеге асырылады.

12. Купондық сыйақы мөлшерлемесінің бір бөлігін субсидиялау облигациялар шығарылымының проспектісінде облигацияларды орналастырудан алынған ақшаны пайдаланудың нысаналы мақсаты заманауи форматтағы сауда объектілерін салу болып табылатын облигациялар бойынша жүзеге асырылуы мүмкін. Сауда объектілері мынадай өлшемшарттарға сәйкес келген жағдайда:

1) Нұр-Сұлтан, Алматы және Шымкент қалаларында сауда ауданы 3 (үш) мың шарты метрден кем болмауы;

2) облыстарда сауда алаңы 1 (бір) мың шаршы метрден кем болмауы тиіс.

13. Купондық сыйақы мөлшерлемесінің субсидияланатын бөлігі 7 (жеті) пайыздық тармақты құрайды.

14. Орналастырылған облигациялар (эмитент сатып алғандарын шегергенде) бойынша есептелген сыйақы мөлшерлемесі ғана субсидиялауға жатады.

15. Субсидиялау эмитенттің мүлкімен ішінара немесе толық немесе үшінші тұлғалардың кепілдігімен қамтамасыз етілген облигациялар бойынша ғана жүзеге асырылады.

16. Купондық сыйақы мөлшерлемесінің бір бөлігін субсидиялау жүзеге асырылатын облигацияларды шығару проспектісіне, Бағалы қағаздар нарығы туралы заңда белгіленген жағдайларды қоспағанда, бүкіл субсидиялау мерзімі ішінде қаржы агенттігінің уәкілетті органымен келісу бойынша өзгерістер мен толықтырулар енгізілуі мүмкін.

17. Облигациялар бойынша купондық сыйақы мөлшерлемесінің бір бөлігін субсидиялау мерзімі 5 (бес) жылды құрайды, бірақ облигациялар айналымы мерзімінен аспайды. Егер бір жоба бойынша бірнеше субсидиялау шарты жасалатын болса, онда субсидиялаудың жалпы мерзімі бірінші субсидиялау шартына қол қойған кезден бастап белгіленеді.

Қайта қаржыландыру кезінде субсидиялау мерзімі субсидиялау кезінен бастап 5 (бес) жылдан, бірақ облигация айналымы мерзімінен аспайтын жоба бойынша бірінші субсидиялау шартына қол қою кезінен бастап белгіленеді.

18. Купондық сыйақы мөлшерлемесінің бір бөлігін субсидиялауды облигацияларды шығару проспектісінде сыйақыны төлеу кезеңділігі жылына 360 (үш жүз алпыс) күн және бір айда 30 (отыз) күнге есептегенде жылына екі реттен аспайды деп белгіленген облигациялар бойынша ғана жүзеге асыруға болады.

19. Эмитенттің купондық сыйақы мөлшерлемесі субсидияланатын облигациялары номиналды ұстауды есепке алу жүйесінде есепке алынады. Купондық сыйақы мөлшерлемесі субсидияланатын облигациялармен жасалған мәмілелерді тіркеу бағалы қағаздар нарығын мемлекеттік реттеу жөніндегі уәкілетті органның нормативтік құқықтық актісінде қарастырылған тәртіппен номиналды ұстау жүйесінде (орталық депозитарийдің есепке алу жүйесі) жүзеге асырылады.

20. Эмитент купондық сыйақы мөлшерлемесі субсидияланатын облигацияларды ұстаушылардың өкілін таңдауды бағалы қағаздар нарығында кастодиандық және/немесе брокерлік және дилерлік қызметті жүзеге асыратын бағалы қағаздар нарығының кәсіби қатысушылары қатарынан дербес жүзеге асырады. Бұл ретте, облигацияларды ұстаушылардың өкілі эмитенттің үлестес тұлғасы болмауға тиіс.

## **5-тарау. Бағдарламаға қатысушылардың өзара іс-қимылының тәртібі**

21. Кәсіпкер немесе қаржылық консультант субсидиялауды алу үшін қаржы агенттігіне субсидиялау шартының жобасын жібереді, оған мынадай құжаттар топтамасын (басшының мөрі және қолымен расталған көшірмелер) қоса тіркейді:

1) осы Купондық сыйақы мөлшерлемесін субсидиялау қағидаларына 1-қосымшаға сәйкес нысан бойынша эмитенттің өтініш-сауалнамасы;

2) облигациялар бойынша қамтамасыз етудің болуын растайтын құжаттар;

3) осы Купондық сыйақы мөлшерлемесін субсидиялау қағидаларына 2-қосымшаға сәйкес өтінім туралы ақпарат (эмитенттің қолы қойылған);

4) облигация шығарылымы проспектісінің жобасы;

5) эмитент уәкілетті органының облигациялар шығару туралы шешімі;

6) эмитентті мемлекеттік тіркеу/қайта тіркеу туралы куәлік (анықтама);

7) егер эмитенттің негізгі қызметі лицензиялануы тиіс болса, лицензиялар;

8) барлық өзгерістерімен және (немесе) толықтыруларымен жарғы/құрылтай шарты (акционерлік қоғам акцияларды шығару проспектісін және бағалы қағаз ұстаушылар тізілімінен үзінді көшірмені қосымша ұсынады);

9) жүгінген күнге дейін кемінде күнтізбелік 30 (отыз) күн бұрын берілген бюджетке міндетті төлемдер бойынша берешектің жоқ екені туралы салық органының анықтамасы;

10) соңғы 3 (үш) қаржы жылы бойынша салық декларацияларының көшірмелері (егер кәсіпкердің жұмыс істеу мерзімі 3 (үш) жылдан кем болса, соңғы қаржы жылындағы салық декларациясының көшірмесі);

11) қаржылық консультанттың эмитенттің қаржылық жай-күйі туралы қорытындысы.

22. Қаржы агенттігі құжаттарды алғаннан кейін 10 (он) жұмыс күні ішінде:

1) құжаттар топтамасының толықтығын тексереді (құжаттар топтамасы толық ұсынылмаған не белгіленген нысандарға сәйкес келмейтін құжаттар ұсынылған жағдайда, бес күндік мерзімде ұсынылған құжаттар бойынша нақты кемшіліктерді көрсете отырып, пысықтау үшін оларды эмитентке қайтарады);

2) облигациялар шығару проспектісі жобасының нысаналы мақсатын Бағдарлама шарттарына сәйкестігі тұрғысынан тексереді;

3) қаржы агенттігінің ішкі құжаттарымен бекітілген нысан бойынша эмитенттің жобасын толық құжаттар топтамасымен қоса қаржы агенттігінің уәкілетті органының қарауына шығарады.

23. Отырыстар өткізу тәртібі, қаржы агенттігінің уәкілетті органы мүшелерінің саны, сондай-ақ эмитенттердің жобаларын қарауға арналған тиісті нысандар қаржы агенттігінің ішкі құжаттарымен айқындалады.

24. Қаржы агенттігінің уәкілетті органы жобаларды тиісті қаржы жылында субсидиялау үшін бюджет қаражаты болған жағдайда қарайды.

25. Қаржы агенттігі өзінің уәкілетті органы шешім қабылдағаннан кейін 1 (бір) жұмыс күні ішінде хаттама рәсімдейді, оған қол қояды және ілеспе хатпен қоса, хаттамадан үзінді көшірмені эмитентке/қаржылық консультантқа, қор биржасына жібереді.

26. Қаржы агенттігінің уәкілетті органы шешімінің қолданылу мерзімі шешім қабылдаған күннен бастап 6 (алты) айды құрайды.

27. Қаржы агенттігі уәкілетті органының хаттамасынан үзінді көшірме алғаннан кейін кәсіпкер эмитенттің және ол шығаратын облигациялардың листингілік талаптарға сәйкестігі туралы алдын ала қорытынды алу үшін құжаттарды қор биржасына жібереді, бағалы қағаздар нарығын мемлекеттік реттеу жөніндегі уәкілетті органның нормативтік құқықтық актілеріне сәйкес мемлекеттік емес облигациялар шығарылымын мемлекеттік тіркеуді өтеді, қор биржасында листинг рәсімін өтеді, қор биржасының ішкі қағидаларына және бағалы қағаздар нарығын мемлекеттік реттеу жөніндегі уәкілетті органның нормативтік құқықтық актілеріне сәйкес облигацияларды орналастыруды жүзеге асырады.

28. Субсидиялау шарты эмитент:

1) бағалы қағаздар нарығын мемлекеттік реттеу жөніндегі уәкілетті орган тіркеген облигация шығарылымының проспектісін;

2) қор биржасының эмитент облигациясын биржалардың ресми тізіміне (листинг) енгізу туралы хабарламаны;

3) эмитент пен орталық депозитарий арасында төлем агенті қызметтерін көрсетуге шарт жасалғаны туралы хабарламаны;

4) орталық депозитарийдің есепке алу жүйесінен үзінді көшірмені немесе облигацияларды орналастыру қорытындысы туралы есепті ұсынғаннан кейін жасалады.

29. Эмитент осы Купондық сыйақы мөлшерлемесін субсидиялау қағидаларының 28-тармағында көрсетілген құжаттарды ұсынғаннан кейін қаржы агенттігі мен эмитент арасында субсидиялау шарты жасалады.

Субсидиялау шарты оған тараптар қол қойған күннен бастап күшіне енеді.

Эмитент субсидиялау шартын жасасқан күннен бастап 5 (бес) жұмыс күнінен кешіктірмей орталық депозитарий мен қор биржасына сыйақы мөлшерлемесінің субсидияланатын бөлігінің мөлшері және орналастырылған облигациялар саны туралы мәліметтерді міндетті түрде қамтитын субсидиялау шартының жасалғаны туралы хабарлама жібереді.



## **6-тарау. Субсидиялау тетігі**

30. Орталық депозитарий купондық сыйақы мөлшерлемесі субсидияланатын облигацияларды орналастырған күннен кейінгі жұмыс күнінен кешіктірмей орталық депозитарийдің интернет-ресурсында орналастырылған купондық сыйақы мөлшерлемесі субсидияланатын облигациялардың жалпы саны туралы ақпаратты орналастырады.

31. Эмитент орталық депозитарийдің қағидалар жиынтығына сәйкес 6 (алты) айда бір рет не 12 (он екі) айда бір рет сыйақыны төлеу тізілімін бекіту күні орталық депозитарий шотына сыйақының толық сомасын аударарды.

32. Орталық депозитарий төлем агенті қызметтерін көрсету шартында белгіленген мерзім ішінде облигация ұстаушылардың банк шотына ақша аударуды жүзеге асырады.

33. Орталық депозитарий эмитент төлеген сыйақы мөлшерлемесінің субсидияланатын және субсидияланбайтын бөлігін және негізгі қарызды (кестеде болған жағдайда) облигация ұстаушылар шоттарына аударғаннан кейін 3 (үш) жұмыс күнінен кешіктірмей облигация ұстаушылардың өкіліне және қаржы агенттігіне (ҚААТЖ жүйесі арқылы):

- 1) ISINe облигациялары;
- 2) тізілімді тіркеген күнгі жағдай бойынша облигация ұстаушылар шоттарындағы облигациялардың саны;
- 3) орталық депозитарий облигация ұстаушылар шоттарына аударған сыйақының жалпы сомасы;
- 4) орналастырылмаған облигациялардың саны/сомасы;
- 5) орталық депозитарий эмитенттен алған сома туралы мәліметтерді қамтитын субсидиялау туралы есепті жібереді.

34. Қаржы агенттігі орталық депозитарийдің хабарламасы, ақпараты және анықтамасы негізінде 10 (он) жұмыс күні ішінде субсидиялау бойынша бюджет қаражаты болған жағдайда облигациялар бойынша купондық сыйақы мөлшерлемесінің бір бөлігін өтеу үшін банктегі эмитенттің есеп айырысу шотына қолма-қол жасалмайтын төлем арқылы субсидия сомасын аударарды.

## **7-тарау. Субсидиялау шартын тоқтата тұру/қалпына келтіру/тоқтату тәртібі**

35. Эмитенттің жобасын субсидиялауды қалпына келтіруді тоқтату туралы шешімді қаржы агенттігі қабылдайды.

36. Қаржы агенттігі мынадай:

- 1) субсидиялау жүзеге асырылатын облигацияларды орналастырудан түскен қаражатты мақсатқа сай пайдаланбау;
- 2) жобаның және (немесе) эмитенттің Бағдарлама шарттарына сәйкес келмеу;

3) эмитенттің облигациялар бойынша купондық сыйақыны төлеу міндеттемесін орындамау;

4) эмитенттің шоттарындағы ақшаға тыйым салу (талап қоюды қамтамасыз ету бойынша шаралар ретінде шоттардағы ақшаға тыйым салуды қоспағанда, шоттағы ақша жеткілікті болған жағдайда, талап қою талаптарын толық көлемде қамтамасыз ететін) және/немесе эмитенттің шоты бойынша шығыс операцияларын тоқтата тұру фактілері белгіленген жағдайда, эмитенттің жобасын субсидиялауды тоқтату туралы шешім қабылдайды.

37. Субсидияларды тоқтата тұру кезеңінде купондық сыйақы мөлшерлемесі субсидияланатын облигациялар бойынша сыйақы төлеу жүзеге асырылса, Орталық депозитарий төлем агентінің қызметтер көрсету қағидаларына сәйкес облигация ұстаушыларға эмитент есебінен осы сыйақыны төлеу толық жүзеге асырылады.

38. Қаржы агенттігі осы Купондық сыйақы мөлшерлемесін субсидиялау қағидаларының 36-тармағының 1) және 2) тармақшаларында көрсетілген фактілерді анықтағаннан кейін 5 (бес) жұмыс күні ішінде субсидиялауды тоқтату немесе қайта бастау туралы шешім қабылдайды және тиісті хатпен облигация ұстаушылардың өкілін, орталық депозитарийді және эмитентті хабардар етеді.

Эмитент облигация бойынша купонды төлеу міндеттемелерін орындамаған жағдайда, эмитентке туындаған берешекті жабу үшін күнтізбелік 30 (отыз) күн ішіндегі мерзім беріледі.

39. Қаржы агенттігі тоқтата тұру кезеңі үшін төленбеген купонның субсидияланатын бөлігіне төлем жүргізеді.

Субсидиялауды тоқтата тұру кезеңінде эмитентке төленбеген купонның субсидияланатын бөлігіне төлем қаржы агенттігінің уәкілетті органы субсидиялауды қайта бастау туралы шешім қабылдағаннан кейін эмитент шотына ақша аудару арқылы жүзеге асырылады.

40. Эмитентті субсидиялауды тоқтату туралы шешім қабылданған кезде, қаржы агенттігі тиісті хаттармен субсидиялау шартын бұзу күнін және бұзу себептерін көрсете отырып, эмитентке, облигацияларды ұстаушылар өкіліне және орталық депозитарийге субсидиялау шартын біржақты бұзу туралы хабарламаны жібереді.

Тоқтатылған жобалар қайта бастауға жатпайды.

41. Субсидиялар төлеу:

1) эмитент облигацияларды толықтай өтеген жағдайда (егер субсидиялау мерзімі облигацияларды орналастыру мерзіміне тең болса, эмитент облигацияларды толықтай өтеген күн субсидиялауды тоқтату күні болып есептеледі);

2) облигация шығарылымын мемлекеттік тіркеу сот шешімі бойынша жарамсыз деп танылған;

3) бағалы қағаздар нарығын мемлекеттік реттеу жөніндегі уәкілетті органның шешімі бойынша облигация шығарылымы жойылған;

- 4) субсидиялауды тоқтату туралы шешім қабылданған;
- 5) эмитенттің бастамасы бойынша субсидиялау шарты бұзылған;
- 6) субсидиялау шартының қолданылу мерзімі аяқталған жағдайларда тоқтатылады, ал субсидиялау шарты бұзылды деп танылады.

42. Эмитент облигацияларды мерзімінен бұрын өтеген жағдайда қаржы агенттігін осындай өтеу күнінен кейінгі 2 (екі) жұмыс күні ішінде осы облигацияларды мерзімінен бұрын өтеу фактісі туралы хабардар етеді.

43. Эмитенттің мақсатқа сай пайдаланылмағаны анықталған облигациялары бойынша облигациялар ұстаушылардың өкілі қаржы агенттігіне облигацияларды орналастырудан түскен қаражаттың мақсатқа сай пайдаланылмау фактісін растайтын құжаттарды ұсынады.

Қаражатты мақсатқа сай пайдаланбау және/немесе жобаның Бағдарлама шарттарына сәйкес келмеу фактілері анықталған жағдайда және қаржы агенттігінің уәкілетті органы субсидиялауды тоқтату туралы шешім қабылдаған кезде, эмитент қаржы агенттігі төлеген сыйақы сомасын қайтаруды жүзеге асырады.

## **8-тарау. Жобалардың іске асырылуын мониторингілеу**

44. Купондық сыйақы мөлшерлемесін субсидиялау қағидалары шеңберінде кәсіпкерлер жобаларының іске асырылуын мониторингілеуді қаржы агенттігі, биржа және облигация ұстаушылар өкілі жүзеге асырады. Қаржы агенттігі мониторингілеуді кәсіпкерлік жөніндегі уәкілетті орган бекітетін «Бизнестің жол картасы-2025» бизнесті қолдау мен дамытудың мемлекеттік бағдарламасы шеңберінде кәсіпкерлікті қаржылық қолдау бағдарламалары шеңберінде іске асырылатын жобаларға мониторинг жүргізу қағидалары негізінде жүзеге асырады.

45. Қаржы агенттігі мониторинг шеңберінде:

1) эмитент, облигация ұстаушылар өкілі ұсынған деректер мен құжаттардың негізінде субсидиялау шартын жасасқан эмитенттің облигацияларды орналастырудан алынған ақшаны пайдалануын мониторингілеуді;

2) орталық депозитарий ұсынатын деректердің негізінде эмитенттің төлем тәртібін мониторингілеуді;

3) жобаның және/немесе эмитенттің Бағдарламаның шарттарына сәйкестігін мониторингілеуді;

4) қамтамасыз етудің жай-күйін бақылауды жүзеге асырады.

46. Облигация ұстаушылар өкілі мониторинг шеңберінде:

1) эмитенттің облигациялар шығарылымының проспектісімен белгіленген облигациялар ұстаушылар алдындағы міндеттемелерін орындауын бақылауды;

2) эмитенттің облигацияларды орналастырудан алған ақшаларды мақсатқа сай пайдалануын бақылауды;

3) эмитенттің облигацияларды ұстаушылар алдындағы міндеттемелерін орындауды қамтамасыз ету болып табылатын мүліктің жай-күйін бақылауды;

4) эмитенттің облигацияларды ұстаушылар алдындағы міндеттемелерін орындауды қамтамасыз ету болып табылатын мүлікке қатысты эмитентпен кепіл шартын жасасуды;

5) субсидиялау шартына/субсидиялау шартына қосымша келісімге қол қоюды, субсидиялау үшін құжаттар топтамасын қаржы агенттігіне жіберуді қолдап отыруды;

6) облигацияларды ұстаушылардың құқықтары мен мүдделерін қорғауға бағытталған, оның ішінде облигациялар шығарылымы проспектісі белгілеген, эмитенттің міндеттемелерді орындамау мәселелері бойынша меншігінде эмитенттің орналастырылған облигацияларының елу және одан көп пайызы бар (сатып алынғандарын есепке алмағанда) облигациялар ұстаушылардың атынан сотқа талап арыз беру арқылы шаралар қабылдауды;

7) тоқсанына кемінде бір рет облигацияларды ұстаушыларды және бағалы қағаздар нарығын мемлекеттік реттеу жөніндегі уәкілетті органды осы тармақтың жоғарыда аталған тармақшаларына сәйкес өзінің әрекеттері туралы және осындай әрекеттердің нәтижелері туралы ақпараттандыруды жүзеге асырады.

47. Мониторингті жүзеге асыру үшін қаржы агенттігі эмитенттен және/немесе облигация ұстаушылардың өкілінен мониторингілеу нысанасына қатысты, оның ішінде салықтық құпияны құрайтын қажетті құжаттар мен ақпаратты сұрата алады, жоба іске асырылып жатқан жерге барып оның іске асырылуын мониторингілеуді жүзеге асыра алады.

48. Мониторингті жүзеге асыру үшін эмитент облигация ұстаушылардың өкіліне жоба іске асырылып жатқан жерге бару құқығымен мониторингілеу нысанасына жататын, оның ішінде салықтық және коммерциялық құпияны құрайтын қажетті құжаттар мен ақпаратты қамтамасыз етеді.

49. Облигация ұстаушылардың өкілі Қазақстан Республикасының заңнамасына және бағалы қағаздар нарығын мемлекеттік реттеу жөніндегі уәкілетті орган актілеріне сәйкес өз әрекеттері туралы бағалы қағаздар нарығын мемлекеттік реттеу жөніндегі уәкілетті органды хабардар етеді.

50. Мониторингілеу тәртібі мен мерзімдерін, сондай-ақ есептілік нысандарын қаржы агенттігі мен облигация ұстаушылардың өкілі әрқайсысы өз функциялары бөлігінде дербес белгілейді.

---

**«Бизнестің жол картасы-2025»  
бизнесті қолдау мен дамытудың  
мемлекеттік бағдарламасы  
шеңберінде кәсіпкерлік  
субъектілері шығарған  
облигациялар бойынша купондық  
сыйақы мөлшерлемесін  
субсидиялау қағидаларына  
1-қосымша**

Қайда «Даму» кәсіпкерлікті дамыту қоры»  
акционерлік қоғамының өңірлік филиалы  
(бұдан әрі – «Даму» қоры)

Кімнен \_\_\_\_\_ (бұдан  
әрі – эмитент (кәсіпкер))

**№ \_\_\_\_\_ сауалнама-өгініш**

«Бизнестің жол картасы-2025» бизнесті қолдау мен дамытудың мемлекеттік бағдарламасы шеңберінде кәсіпкерлік субъектілері шығарған облигациялар бойынша купондық сыйақы мөлшерлемесін субсидиялау қағидаларына (бұдан әрі – Купондық сыйақы мөлшерлемесін субсидиялау қағидалары) сәйкес Сізден «Даму» қорының кредиттік комитетінің қарауына төмендегіге сәйкес кредит бойынша сыйақы мөлшерлемесінің бір бөлігін субсидиялау туралы мәселені қарауға бастамашылық етуіңізді сұраймын:

**1. Қатысушы туралы мәліметтер**

Эмитенттің (кәсіпкердің) атауы	
Құрылтайшы (лар) туралы деректер	
Заңды мекенжайы	
Нақты мекенжайы	
Пошталық мекенжайы	
Мемлекеттік тіркелген/қайта тіркелген күні	
Мемлекеттік тіркеу/қайта тіркеу туралы куәлік №	
Қызмет түрлері	
Жетекшілік ететін ведомство, холдинг немесе негізгі компания	
Жұмыс тәжірибесі	

**2. Басшылық**

**Бірінші басшы**

Тегі, аты, әкесінің аты (бар болса)	
Лауазымы	

Жұмыс/үй тел.	
Туған жылы мен жері	
Жеке куәлігінің №, сериясы	
Тұратын (нақты) жері	
Тіркелген жері	
Жұмыс тәжірибесі	

## Бас бухгалтер

Тегі, аты, әкесінің аты (бар болса)	
Жұмыс/үй тел.	
Туған жылы мен жері	
Жеке куәлігінің №, сериясы	
Тұратын (нақты) жері	
Тіркелген жері	
Жұмыс тәжірибесі	

## 3. Байланыс жасайтын адам

(Тегі, аты, әкесінің аты (бар болса), лауазымы, телефоны)	
--	--

## 4. Меншік иелері

(құрылтайшы, қатысушылар, акционерлік қоғам үшін - акциялардың 5 % және одан көп пайызына иелік ететін акционерлер)

Атауы/тегі, аты, әкесінің аты (бар болса)	%	Деректемелері

## 5. Ағымдағы қызмет туралы ақпарат

Сала (ЭҚЖЖ сәйкес)	
Кіші сала (ЭҚЖЖ сәйкес)	
Өнімдер мен көрсетілетін қызметтердің түрлері	
Жылдық айналым	
Соңғы есепті күнге пайда немесе шығын	
Жұмыскерлердің нақты саны	_____ оның ішінде
	әйелдер _____
Жобаның атауы (қысқаша сипаттама)	
Жобаның іске асырылатын жері (облыс,	



## 9. Кепілдіктер мен келісімдер

Эмитент (кәсіпкер) «Даму» қорына келесіні мәлімдейді және кепілдік береді:

1. «Даму» қорына осы өтінішпен бірге не «Даму» қорының сұратуы бойынша берілген (ұсынылған) немесе ұсынылатын барлық деректер, ақпарат пен құжаттама дұрыс болып табылады және төменде көрсетілген күнге шындыққа сәйкес келеді, көрсетілген деректер өзгерген жағдайда \_\_\_\_\_ дереу хабардар етуге міндеттенемін. («Даму» қорының тиісті өңірлік филиалының атауы)

2. «Даму» қорының алғашқы талап етуі бойынша осы өтінішті қарау шеңберінде талап етілген, банктік және коммерциялық құпияны құрайтын кез келген ақпарат пен құжаттарды ұсынуға және ашуға міндеттенетінін.

3. «Даму» қоры көрсетілген куәландырулар мен кепілдіктердің растығын тексеруге міндетті емес.

4. Эмитентке (кәсіпкерге) жалған, толық емес және/немесе дұрыс емес мәліметтерді ұсынғаны үшін Қазақстан Республикасының заңнамасында көзделген жауаптылық туралы ескертілді.

5. Эмитенттің (кәсіпкердің) жарғылық құзыреті осы өтінішке қол қоятын адамға өтініш беруіне мүмкіндік беретінін эмитент (кәсіпкер) растайды.

6. Көрсетілген деректер мен ақпараттың дұрыс еместігі анықталған жағдайда, осы өтініш көрсетілген деректердің дұрыс еместігін растайтын мәліметтер анықталған кез келген кезеңде кері қайтарылуы мүмкін екендігімен келісемін, бұл ретте «Даму» қоры кері қайтару себептерін хабарламауы мүмкін.

Эмитент (кәсіпкер) осы құжатпен «Даму» қорына төмендегіге келісім береді:

1. «Даму» қоры осы өтініште көрсетілген мәліметтерді, ақпарат пен эмитент (кәсіпкер) ұсынған құжаттарды тексеру және қарау мақсатында мүдделі үшінші тұлғаларға ұсына алатынына.

2. Осы өтініште қамтылған барлық мәліметтер, сондай-ақ «Даму» қоры талап еткен барлық құжаттар тек Бағдарлама шеңберінде субсидиялау үшін ғана ұсынылғандығына.

3. «Даму» қоры эмитент (кәсіпкер) хабарлаған өзі туралы кез келген ақпаратты тексеру құқығын өзіне қалдырады, ал эмитент (кәсіпкер) ұсынған құжаттар және өтініштің түпнұсқасы субсидиялау ұсынылмаса да, «Даму» қорында сақталатынына.

4. «Даму» қорының осы өтінішті қарауға қабылдауы, сондай-ақ эмитенттің (кәсіпкердің) ықтимал шығыстары (субсидия алу үшін қажетті құжаттарды ресімдеу және т.б.) «Даму» қорының субсидия беру немесе эмитент (кәсіпкер) шеккен шығындарды өтеу міндеттемесі болып табылмайтынына.

5. Субсидиялау туралы мәселені қарау тәртібімен танысқанымды және келісетінімді растайтыныма, кейіннен «Даму» қорына наразылық білдірмейтініме.

## 10. Қосымшалар

( \_\_\_\_\_ бағыты бойынша көзделген құжаттар)

\_\_\_\_\_

(Тегі, аты, әкесінің аты (бар болса)

(қолы, күні)

\_\_\_\_\_



«Бизнестің жол картасы-2025»  
бизнесті қолдау мен дамытудың  
мемлекеттік бағдарламасы  
шеңберінде кәсіпкерлік  
субъектілері шығарған  
облигациялар бойынша купондық  
сыйақы мөлшерлемесін  
субсидиялау қағидаларына  
2-қосымша

**«Бизнестің жол картасы-2025» бизнесті қолдау мен дамытудың  
мемлекеттік бағдарламасы шеңберінде кәсіпкерлердің өтінімдері туралы ақпарат**

Р/с №	Талаптар	Жоба	Бағдарлама шарттарына сәйкестік
1.	Эмитент атауы		
2.	Эмитенттің бизнес сәйкестендіру нөмірі (БСН)		
3.	Эмитентті тіркеу күні		
4.	Кәсіпкерлік субъектісі		
5.	Жобаның іске асырылу орны		
6.	ЭҚЖЖ саласы (5 мәндік)		
7.	Жобаның атауы	1-мысал: инвестициялар (такси қызметі үшін саны 10 дана автокөлік алу) 2-мысал: Айналым қаражатын толықтыру (ет өнімдерін өндіру үшін шикізат сатып алу) 3-мысал: Инвестициялар (тігін цехы қызметіне арналған тұрғын емес үй-жайды күрделі жөндеу/реконструкциялау ) және т.б. 4-мысал аралас жобалар: Жер учаскесі бар өндірістік базаны сатып алу және бетон қоспаларын өндіру қызметі аясында айналым қаражатын толықтыру.	
8.	Жобаның мақсаты		
9.	Жобаның құны		
10.	Эмитенттің облигациялары бойынша купондық сыйақы мөлшерлемесінің бір		

	бөлігін субсидиялау сомасы		
11.	Эмитенттің бір облигация шығарылымының жалпы номиналды құны 2,5 млрд. теңгеден аспауға тиіс (асады/аспайды)	Мысалы: асады/аспайды	
12.	Субсидиялау мерзімі		
13.	Пайыздық мөлшерлеме		
14.	Мөлшерлеменің субсидияланатын бөлігі		
15.	Тау-кен өндіру өнеркәсібінде қызметін жүзеге асырады	Иә/жоқ	
16.	Кредиттің нысаналы мақсаты акцизделетін тауарлар/өнім шығаруды көзделмеуге тиіс	Иә/жоқ	
17.	Жобаны Ірі салық төлеушілер тізбесіне енгізілген минералды шикізатты өндеуді жүзеге асыратын металлургия өнеркәсібінде іске асырады	Иә/жоқ	
18.	Құрылтайшылары (оның ішінде қатысушылары, акционерлері) — мемлекеттік кәсіпорындар/мекемелер, ұлттық басқарушы холдингтер, ұлттық компаниялар және акцияларының (жарғылық капиталға қатысу үлестерінің) 50 және одан көп пайызы тікелей немесе жанама түрде мемлекетке, ұлттық басқарушы холдингке, ұлттық холдингке, ұлттық компанияға (ӘКК және МЖӘ басқа) тиесілі ұйымдар болып табылады	Иә/жоқ	
19.	Ескертпе:	Мысалы:	

Жобаның ерекше шарттары: Жоба бекітілгеннен кейін нақты мерзімге дейін орындалуы тиіс ерекше шарттар. Мысалы:

Купондық сыйақы мөлшерлемесін субсидиялау жүзеге асырылатын облигация шығару проспектісіне субсидиялаудың бүкіл мерзімі ішінде өзгерістер мен толықтырулар енгізілуі мүмкін.